



Headline	BN harap penambahan majoriti undi		
MediaTitle	Sinar Harian		
Date	05 Jul 2013	Color	Full Color
Section	Mahkamah	Circulation	60,000
Page No	14	Readership	180,000
Language	Malay	ArticleSize	138 cm ²
Journalist	N/A	AdValue	RM 759
Frequency	Daily	PR Value	RM 2,277



BN harap penambahan majoriti undi

KUALA TERENGGANU – Walaupun tsunami politik melanda Terengganu, BN khususnya kepimpinan Umno peringkat negeri berharap adanya penambahan majoriti undi terhadap calon BN pada Pilihan Raya Kecil (PRK) Kuala Besut yang akan diadakan tidak lama lagi.

Pengerusi Perhubungan Umno Terengganu, Datuk Seri Ahmad Said berkata, pihaknya akan terus menjalankan tugas dan tanggungjawab bagi memastikan kemenangan berpihak kepada mereka.

“Walaupun dengan keadaan tsunami yang berlaku di Terengganu pada PRU13



AHMAD SAID

baru-baru ini, kita masih boleh pertahankan kedudukan di negeri ini.

“Sekarang, tugas kita di peringkat negeri akan terus berjalan seperti biasa, bahkan sebagai Pengerusi Perhubungan

Umno Terengganu, saya akan pastikan kita menang dan kerusi Kuala Besut dipertahankan memandangkan ia adalah kawasan kubu kuat BN,” katanya pada sidang media selepas menyaksikan Majlis Menandatangani Memorandum Persefahaman (MoA) antara Kolej Tesdec dan Universiti Kuala Lumpur (UniKL) di Wisma Darul Iman, semalam.

Ahmad berkata, pihaknya akan memastikan seluruh jentera digerakkan pada PRK itu, malah peruntukan yang akan dibelanjakan pada PRK itu juga akan dikenal pasti berdasarkan keperluan dan keadaan.

“Sebenarnya, kerajaan negeri telah menjalankan banyak projek pembangunan di Dun Kuala Besut terutama membatikan pembinaan masjid baru yang kini sedang dalam pembinaan.

“Selain itu, kita juga membina rumah flat di Pulau Perhentian dan rumah mampu milik di daerah yang kebanyakan dihuni oleh keluarga berpendapatan rendah,” katanya.

Ditanya mengenai calon yang dipertaruhkan BN, Ahmad berkata, pihaknya telah menghantar senarai nama dan akan diputuskan oleh kepimpinan tertinggi Umno.